



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-5385-7

Datum: 04.11.2019. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16), člana 70., u vezi sa čl. 24. tačka a) i 28. Zakona o javnim nabavkama BiH („Službeni glasnik BiH”, broj 39/14), Komisija za javne nabavke imenovana rješenjem ministra MUP Kantona Sarajevo broj 05-1-14-4-1920 od 28.03.2019. godine kao i izmjenom Rješenja broj 05-1-14-4-1920-1 od 12.04.2019. godine, ministar unutrašnjih poslova Kantona Sarajevo, d o n o s i

O D L U K U
o izboru ponuđača za nabavku
nepredviđenih i dodatnih radova na objektu Grkarica Igman

I

Na osnovu odluke, broj 01-14-4-5385 od 30.09.2019. godine, pokrenut je postupak nabavke nepredviđenih i dodatnih radova na objektu Grkarica Igman, putem pregovaračkog postupka bez objave obavještenja sa jednim ponuđačem.

II

Komisija je shodno rezultatima kvalifikacijskog vrednovanja, okončanih pregovora i konačne ponude dala preporuku da se donese Odluka o dodjeli ugovora ponuđaču “Sela” d.o.o. Sarajevo, u vrijednosti od 29.210,86 KM sa uračunatim PDV-om.

III

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

IV

Ova odluka stupa na snagu danom donošenja.



Obrazloženje

Na osnovu odluke, broj 01-14-4-5385 od 30.09.2019. godine, a u skladu sa članom 21. tačka a) Zakona o javnim nabavkama BiH, pokrenut je postupak nabavke nepredviđenih i dodatnih radova na objektu Grkarica Igman, putem pregovaračkog postupka bez objave obavještenja sa jednim ponuđačem.

U postupku provođenja postupka nabavke nepredviđenih i dodatnih radova na objektu Grkarica Igman na web portalu Ministarstva je objavljena odluka o pokretanju predmetnog postupka kao i tenderska dokumentacija za fazu pretkvalifikacije.

Poziv za učešće u postupku je dostavljen izvođaču radova „Sela“ d.o.o. Sarajevo sa kojim Ministarstvo ima zaključen ugovor o izvođenju građevinsko-zanatskih radova na navedenom objektu (rok za dostavljanje zahtjeva za učešće - 24.10.2019. godine).

U fazi pretkvalifikacije ponuđač/izvođač radova je, u predviđenom roku dostavio traženu dokumentaciju. Komisija je nakon izvršenog pregleda konstatovala da je ponuđač/izvođač radova ispunio sve uslove tražene tenderskom dokumentacijom, odnosno da su se stekli uslovi za upućivanje poziva za dostavu početne ponude i pregovaranje, o čemu je sačinjen zapisnik. S tim u vezi, upućen je poziv za dostavu početne ponude i poziv za pregovaranje (rok za dostavu ponude - 29.10.2019. godine).

U predviđenom roku ponuđač/izvođač radova je dostavio početnu ponudu u iznosu od 24.966,55 KM bez PDV-a. Predstavnik ponuđača „Sela“ d.o.o. Sarajevo je u postupku pregovaranja iznio činjenicu da vrijednost dodatnih i nepredviđenih radova prelazi procijenjenu vrijednost, odnosno zakonsko ograničenje i da nije u mogućnosti snižavati već ponuđenu cijenu. Međutim, kako bi se ispoštovala procedura u postupku predmetne nabavke, od ponuđača je zatraženo da dostavi konačnu ponudu najkasnije do 31.10.2019. godine, što je isti i učinio.

Analizom Obrasca za ponudu i Obrasca za cijenu ponude koji su dostavljeni u konačnoj ponudi utvrđeno je sljedeće:

Ukupna vrijednost konačne ponude bez PDV-a	24.966,55 KM i
Ukupna vrijednost sa PDV-om	29.210,86 KM.

Tehnička specifikacija u skladu sa projektnim zadatkom i zadatim tehničkim rješenjima u potpunosti odgovara zadatom u tenderskoj dokumentaciji, odnosno pregledom i analizom dostavljene konačne ponude Komisija je utvrdila da je navedena ponuda blagovremena, potpuna, računski ispravna i kvalifikovana te je kao takva prihvatljiva.

Shodno gore navedenom, Komisija za javne nabavke, u skladu sa članom 69. stav (1) tačka a) i članom 70. stav (1), jednoglasno daje preporuku ministru Ministarstva unutrašnjih poslova Kantona Sarajevo da za nabavku nepredviđenih i dodatnih radova na objektu Grkarica Igman, u vrijednosti od 29.210,86 KM sa uračunatim PDV-om, donese odluku o dodjeli ugovora ponuđaču/izvođaču radova „SELA“ d.o.o. Sarajevo jer je ponudio prihvatljivu ponudu u pogledu tehničkog zahtjeva i kvalifikacijskih uslova.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana objave odluke o izboru na web portalu Ministarstva, a u skladu sa članom. 99. i 101. Zakona o javnim nabavkama BiH.

DOSTAVITI:

1. Komisiji,
2. Ponuđaču/izvođaču radova,
3. Kabinet ministra, stručni savjetnik za odnose s javnošću,
4. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

